



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-333/20

Datum: 01.10.2020. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH”, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Okvirni sporazum za nabavku naftnih derivata/goriva za potrebe Tužilaštva – Tužiteljstva Bosne i Hercegovine, dodjeljuje se ponuđaču **Energopetrol d.d. Sarajevo**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnoj TD za dostavu ponuda.
- (2) Ponuđaču iz člana 1. ove odluke, okvirni sporazum će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i TD.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-333/20 od 28.08.2020. godine. Javna nabavka je provedena putem otvorenog postupka. Obavještenje o nabavci je objavljeno na web portalu: <https://ejn.gov.ba/>, broj obavještenja: 435-1-1-222-3-15/20 od 28.08.2020. godine.

Do krajnjeg roka za dostavu ponuda, na Protokol Tužilaštva – Tužiteljstva zaprimljene su dvije uredno zapečaćene i neotvorene ponude ponuđača „Hifa – Petrol“ d.o.o. Sarajevo sa ponuđenom cijenom od 67.629,60 KM KM bez PDV-a i ponuđača Energopetrol d.d. Sarajevo sa ponuđenom cijenom od 69.600,00 KM KM bez PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2020. godinu, broj: A-450/19 od 26.12.2019. godine i A-450-1/19 od 31.03.2020. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

- Ponuđač Energopetrol d.d. Sarajevo je dostavio traženi spisak svih raspoloživih benzinskih stanica iz kojeg proizilazi da isti u gradovima Sarajevo, Mostar, Bihać i Tuzla, raspolaže vlastitim benzinskim pumpama od kojih barem jedna ima neprekidno radno vrijeme. U pogledu područja grada Banja Luke ponuđač je u obrascu za ponudu, kao i u posebno dostavljenoj izjavi, naveo da ima namjeru promet goriva vršiti putem podugovarača Nestro Petrol a.d. Banja Luka, za navedenog podugovarača nije dostavio informaciju o neprekidnom radnom vremenu. Međutim, s obzirom na sadržaj tenderske dokumentacije ugovornog organa odjeljak 5.1. – Podugovaranje, ponuđač u ponudi nije bio obavezan čak ni identifikovati podugovarača, ali se izabranog ponuđača obavezuje da prije nego uvede podugovarača u posao pismeno zatraži od ugovornog organa saglasnost za uvođenje, što će predstavljati, u slučaju da izabrani ponuđač bude Energopetrol d.d. Sarajevo, buduće redovne radnje postupka provjere ispunjenosti uslova (kvalifikacija podugovarača) traženih tenderskom dokumentacijom. Pored toga, ponuđač je dostavio pisanu Izjavu o prihvatanju općih i posebnih odredbi TD, broj EP0.6.1-3-1078/20 od 14.09.2020. godine u kojoj navodi da su mu poznate sve opće posebne odredbe TD-a za predmetnu nabavku, da prihvata iste u cijelosti i da je spreman predmet nabavke izvršiti u skladu sa tim odredbama, što ugovorni organ također tumači kao implicitnu izjavu o neprekidnom radnom vremenu benzinske pumpe potencijalnog podugovarača Nestro Petrol ad Banja Luka na području grada Banje Luke.
- Ponuđač „Hifa – Petrol“ d.o.o. Sarajevo je dostavio spisak vlastitih benzinskih pumpi na području BiH u skladu sa tačkom 2.3 tenderske dokumentacije iz kog proizilazi da jedina benzinska pumpa u Mostaru u vlasništvu ponuđača ima radno vrijeme od 05:00 – 24:00. Međutim, ponuđač je dostavio posebnu izjavu o posjedovanju BP na lokacijama traženim u obrascu za cijenu ponude, gdje navodi da posjeduje vlastite BP na područjima Sarajeva, Bihaća, Tuzle, Banja Luke, Mostara i BP poslovnog partnera na području Mostara. Uvidom u sadržaj izjave utvrđeno je da ponuđač kao poslovnog partnera na području Mostara navodi pravno lice HIFA d.o.o. Tešanj, koje na adresi Ul. Put za Opine bb, Mostar raspolaže BP sa neprekidnim radnim vremenom. U tom smislu, ugovorni organ ovakvu izjavu ponuđača smatra analognom identifikaciji podugovarača, na koji način, putem ugovornog partnera ponuđača, o kojem ugovornom odnosu je ponuđač dostavio primjerak ugovora, ponuđač daje izjavu o ispunjenju traženog uslova o neprekidnom radnom vremenu barem jedne BP u navedenim gradovima.
- Konačno ugovorni organ u odjeljku 5.1. Podugovaranje TD ne zahtjeva identifikaciju podugovarača, iz čega slijedi da je podugovarač, čije je uvođenje od strane izabranog ponuđača podložno saglasnosti ugovornog organa, u obavezi ispuniti tražene uslove koje sam izabrani ponuđač samostalno nije u mogućnosti ispuniti. S obzirom na navedeno, ugovorni organ će prilikom eventualnog uvođenja podugovarača provjeriti da

li isti raspolaže kapacitetima uz koje će izabrani ponuđač u potpunosti ispuniti zahtjev TD ugovornog organa.

- Analizom ponude ponuđača Hifa Petrol d.o.o. Sarajevo utvrđeno je da ista sadrži računsku grešku. Naime, u obrascu za cijenu ponude za lokaciju grada Banje Luke, kao jedinična cijena bez PDV-a za premium bezolovni benzin 95, BAS EN 228-BMB 95 ponuđač je naveo da ista iznosi 1,513 KM. Cijena sa PDV-om bi na taj način iznosila 1,77 KM za litar navedenog goriva. Međutim, kao traženi dokaz za tačnost navedene cijene, ponuđač je dostavio fiskalni račun za navedeno gorivo, na kojem je kao cijena sa PDV-om za litar goriva evidentiran iznos od 1,85 KM. Kada se navedena cijena litra predmetnog goriva posmatra bez uračunatog PDV-a, ista iznosi 1,581 KM. Taj iznos je različit od iznosa (1,513 KM) navedenog u obrascu za cijenu ponude. S obzirom na to da su TD-om od ponuđača traženi dokazi o stvarnoj cijeni pojedinih goriva na pojedinačnim benzinskim pumpama, to ugovorni organ cijenom ponuđača smatra onu za koju je ponuđač dostavio dokaz o njenoj visini, a u konkretnom slučaju je to iznos od 1,581 KM koji proizlazi iz dostavljenog fiskalnog računa sa benzinske pumpe iz Banje Luke. U tom smislu se, a imajući u vidu odredbe odjeljka 5.8 TD-a – Provjera računске ispravnosti ponude i objašnjenje neprirodno niske cijene, kojim se propisuje direktna promjena propisane metodologije obračuna od strane ugovornog organa, cijena navedena u obrascu za cijenu ponude, i to tabela a) redni broj 3. sa iznosa od 1,513 KM koriguje na iznos od 1,581 KM, što dalje utiče na promjenu prosječne jedinične cijene robe premium bezolovni benzin 95, BAS EN 228-BMB 95 na način da ista umjesto 1,5914 KM sada iznosi 1,605 KM (redni broj 6. iste tabele). Na taj način se dalje koriguje u tabeli b) navedena ukupna cijena bez PDV-a i popusta za premium bezolovni benzin 95, BAS EN 228-BMB 95, tako da glasi 6.420,00 KM umjesto iznosa od 6.365,60 KM (tabela b), red 1., stubac 6.). Promjene se dalje odražavaju na red 3. stubac 6. (ukupna cijena bez popusta i PDV-a), tako da umjesto iznosa od 67.629,60 KM, ista iznosi 67.684,00 KM. Dalje se obračunati PDV iste tabele, red 5. mijenja iz iznosa od 11.497,03 KM u iznos od 11.506,28, te konačno ukupna cijena sa PDV-om i popustom (tabela b, redni broj 6.) se koriguje sa 79.126,63 KM u iznos 79.190,28.
- Dana 17.09.2020. godine Komisija je navedenom ponuđaču je poslala zahtjev za prihvatanje ispravke računске greške. Ponuđač je dana 18.09.2020. godine dostavio saglasnost kojom prihvata ispravku/korekciju računске greške.

Nakon što je Komisija utvrdila da ponude svih ponuđača u potpunosti zadovoljavaju uslove TD i tehničke specifikacije, te da se sve dostavljene ponude smatraju prihvatljivim, zakazana je i e-aukcija koja je predviđena TD, a koja je provedena dana 01.10.2020. godine. Na e-aukciji je aktivno učestvovao ponuđač Energopetrol d.d. Sarajevo.

E-aukcija je uspješno završena, te je najpovoljniji ponuđač nakon završetka e-aukcije Energopetrol d.d. Sarajevo, sa konačnom cijenom u iznosu od 67.616,32 KM bez PDV-a.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine donošenje odluke o dodjeli ugovora ponuđaču Energopetrol d.d. Sarajevo čija ponuda u potpunosti ispunjava uslove za nabavku predmetnih usluga.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



GLAVNI TUŽILAC
TUŽILAŠTVA – TUŽITELJSTVA BIH

Gordana Tadić

Gordana Tadić

Dostavljeno:

- Ponuđačima;
- Odjelu za mat.-fin. poslove.